



Unioni de is Comunas de su Partiolla e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiolla/Sici



Comunu de Donori



Comunu de Sertana



Comunu de Sestu



Comunu de Soleris

Regioni Autònoma de Sardigna - Lei 482/99 e L.R. 22/2018



COMUNU DE SÈTIMU

PROVÌNTZIA DE CASTEDDU

ORDINÀNTZIA DE SU SÌNDIGU

ORDINÀNTZIA SÌNDIGU / 12
de su 19/04/2024

OGETU:

SERRADA DE IS UFÌTZIUS COMUNALIS E DE SA BIBRIOTECA COMUNALI IN SA DII DE CENÀBARA SU 26 DE ABRILI DE SU 2024

SU SÌNDIGU
PUDDU GIAN LUIGI

Documentu prodùsiu in originali informaticu e firmau a manera digitali cunforma a s'art. 20 de su "Codixi de s'amministratzioni digitali" (D.Leg.vo 82/2005).

SU SÌNDIGU

PREMÌTIU CHI

- in calincunu tempus de s'annu, po mori de s'acontèssiu de is festas civilis e religiosas in diis e agoa una o dus diis de trabballu, s'arregistrant medas dimandas de fèrie de su personali dipendenti chi andant a strobai s'organizatzioni de is servitzius po cussas diis particularis;
- che costumau sa genti chi acudit a is ufizius in is diis chi naraus "pontis" est bàscia meda, fendi gastai lassendi obertus is ufizius comunali;

CUNSIDERAU chi s'anniversàriu de sa Libberatzioni de Itàlia, festa natzionali de sa Repùblica Italiana de su 25 de abrili 2024, ocannu at a èssiri de giòbia e chi in cussa dii is ufizius comunali ant a èssiri serraus;

CUNSIDERAU s'apretu in s'interis de sa necessidadi de impiticaì is gastus publicus, de incarrerai provedimentus cun sa tarea de impiticaì is gastus po sa gestioni de sa domu comunali, de fai in tempus particularis de s'annu, candu ddoi at a èssiri unu impreu de is servitzius comunali po parti de s'utentza impiticaù meda e de su nùmeru prus bàsciu de is trabballadoris ca in medas ant pediu is fèrias in ocasioni de is festas prus importantis;

RITÉNNIU duncas, ponendi menti a sa tarea de impiticaì is gastus, apariciai sa serrada de is ufizius comunali in sa dii de cenàbara su 26 de abrili 2024;

RITÉNNIU puru, po is matessi arresonis, de apariciai sa serrada de sa Bibrioteca comunali puru;

ACRARAU chi sa frimmada de s'atividadi de trabballu assegurat una razionalizatzioni prus manna de sa gestioni de su personali;

DONAU ÀUTU in prus chi s'ant a assegurai is servitzius minimus de primori, cunforma a cussu chi narat da lei 146/90 e ss.mm.ii., lassendi a is Responsàbilis d'àrea interessaus is tareas de incarrerai is provedimentus organizativus po assegurai su gosu de cussus servitzius numenaus;

BISTU s'art. 50, comma 7, de su decretu legislativu 18 de austu 2000 n. 267 chi donat a su Sìndigu sa cumpetèntzia po cuncordai is oràrius de is esercitzius commercialis de is esercitzius pùblicus e de is servitzius pùblicus

CUMANDAT

1. sa serrada de is ufizius comunali e de sa biblioteca comunali in sa dii de cenàbara 26 de Abrilì 2024, pustis de sa posta in congedo ordinàrio de ufiziu de su personali dipendenti;
2. chi is Responsàbbilis de àrea cumpetentis fetzant is provedimentus organizativus chi serbint po assegurai su frunimentu de is servitzius minimus de primori;

DISPONIT

1. chi custa ordinàntzia bèngiat publicada in su Albu Pretòriu de su Comunu e in su situ istituzionali de s'Enti;
2. chi is Responsàbilis de àrea donint comunicatzioni de custa ordinàntzia a is collaboradoris insoru;
3. chi su Responsàbili de s'àrea amministrativa, fetzat sa comunicatzioni interna e esterna de custu provedimentu, de manera chi ndi siat donada una informatzioni lestra e bona a is citadinus, a is Entis e a is Istituzionis interessadas.

Su Sindigu
Gian Luigi Puddu
Firmau a manera digitali